

# ما شفنا عرّيس ساعة يزفّوه      ما شفنا عرّيس ساعة يخلّوه      مثلك يا جاسم بالترب نايم

ما شفنا مثلك تنعلق في زفته شمعه  
وتالي تطفئها المنيه وتنقلب دمعته  
بعدك يجاسم ما أظن ليّه الفرح رجعه  
مات وعلى نعش الحزن في كل سنه نشيعه

والله عجائب	والله عجائب	زفتك نسوان
وحسين اينادي	بين الأعادي	ما عندي أعوان
ما شفنا عرّيس	ما شفنا عرّيس	مثلك يا جاسم
ساعة يزفّوه	وساعة يخلّوه	بالترب نايم

ثوبك چفن يا جاسم وفرحك صبح وئّه  
ودمك يعود المجتبي إچفينك الحنّه  
ما صار أبد مثلك يشوف الموت ويتهّنّه  
وما صار أبد مثلك منيته ترتعب منّه

دمك يجسّام	دمك يجسّام	روى الديانّه
وبتضحياتك	تحى بحياتك	عزّة لوانه
ما شفنا عرّيس	ما شفنا عرّيس	مثلك يا جاسم
ساعة يزفّوه	وساعة يخلّوه	بالترب نايم

من لبسك ثوب الحرب عمك والعمامه  
ومن شفنا شخصك بالخيم يتشمى قدامه  
صرت الحسن أنته وعليهم رجعت أيامه  
وصار السبب كلما ينظرك تشتد آلامه

تمشي اعلى هونه	تمشي اعلى هونه	ما بين لخيام
يذكر عضيده	بحرقه شديد	بشخصك يجسام
ما شفنا عريس	ما شفنا عريس	مثلك يا جاسم
ساعة يزفوه	وساعة يخفوه	بالترب نايم

من عادة المعرس تزفه أهله بأفراح  
وأنته يجاسم زفتك دمه وحزن ونياح  
صبحك فرح في كربله وعند المسى أتراح  
ما نثروا إعليك الورد نثروا عليك أرماح

ابوسط المعارة	ابوسط المعارة	فرحة ومنية
بالخيمة حنونك	وبالعركة ذبحوك	قوم آل أمية
ما شفنا عريس	ما شفنا عريس	مثلك يا جاسم
ساعة يزفوه	وساعة يخفوه	بالترب نايم

من طحت طاح المجتبي دامي على الغبره  
صرت أنته يمه تون وأبيك يجذب الحسره  
بينك وبينه يا الولد تتشابه الجمره  
سيف القطع نحرك قطع في كربله نحره

مرمي يجاسم	مرمي يجاسم	فوق الوطيه
وأنت ذبحتك	ذبحت فرحتك	بالغاضريه
ما شفنا عريس	ما شفنا عريس	مثلك يا جاسم
ساعة يزفوه	وساعة يخفوه	بالترب نايم

عبدالمنعم مرزوق

2010 / 12 / 12

ليلة الثامن من شهر محرم الحرام 1432